



IBSU

შპს - შავი ზღვის საერთაშორისო უნივერსიტეტი
ხარისხის მართვის სისტემის დოკუმენტაცია

სტიპენდიების და ფასდაკლებების დებულება

დამტკიცებულია მმართველი საბჭოს მიერ 30/09/2016წ. - გადაწყვეტილება №1 (დანართი №1)

დამტკიცებულია

ქვემოთ მოცემული ხელმოწერები ადასტურებს, რომ აღნიშნული ინსტრუქცია წაკითხული და
მიღებულია

ხელმოწერის ავტორები ადასტურებენ, რომ ისინი ნამდვილად ფლობენ წინამდებარე
დოკუმენტში არსებულ ინფორმაციას და უზრუნველყოფენ მასში ასახული პირობების
განხორციელებას.

მოამზადა:	იურიდიული სამსახური	
შეამოწმა:	ხარისხის მართვის საბჭო	
დაამტკიცა:	მმართველი საბჭო	

დოკუმენტის №: IBSU.R33G

ვერსია: 3.00

განახლების თარიღი

დამტკიცების თარიღი:
30/09/2016

შეუმოწმებელი ვერსია

შემოწმებული ვერსია

შზსუ-ს კუთვნილი დოკუმენტაცია.

წინამდებარე დოკუმენტით სარგებლობამდე, დარწმუნდით, რომ დოკუმენტაციის ჩამონათვალში
აღნიშნულ დოკუმენტს აქვს საბოლოო განახლების ნომერი.

ცვლილებების მოთხოვნის შემთხვევაში ხარისხის მმართვის საბჭოს წარუდგინეთ დოკუმენტის
ცვლილებების მოთხოვნის ფორმა.



IBSU

სტიპენდიებისა და ფინანსური შეღავათების
დებულება

შინაარსი

შეტანილი ცვლილებები.....	4
ცვლილებების ნუსხა.....	5
მუხლი 1. მიზანი და მოქმედების სფერო.....	6
მუხლი 2. ტერმინები და შემოკლებები.....	6
მუხლი 3. ფასდაკლების გავრცელების ფარგლები.....	7
მუხლი 4. ფასდაკლებით სარგებლობის უფლების მქონე პირები.....	7
მუხლი 5. ფასდაკლებით სარგებლობის პირობები	8
მუხლი 6. ფასდაკლების გაუქმების საფუძვლები.....	8
მუხლი 7. სახელმწიფო სასწავლო გრანტსა და ფასდაკლების ერთად გამოყენების წესი.....	9
მუხლი 8. სტიპენდიის მიღების წესი	9
მუხლი 9. სადოქტორო პროგრამაზე უფასოდ სწავლის უფლების მოპოვების წესი	9
მუხლი 10. ფასდაკლების გამოყენების წესი	9
მუხლი 11. დასკვნითი დებულებები	10
მუხლი 12. ძალაში შესვლა	10
მუხლი 13. შესრულებაზე ხედამხედველობა	10

შეტანილი ცვლილებები

#	გადაწყვეტილების მიმღები ორგანო	გადაწყვეტილების №	თარიღი
1.			

თავდაპირველი რედაქცია: 30.09.2016- #1



IBSU

სტიპენდიებისა და ფასდაკლებების
დებულება

ცვლილებების ნუსხა

#	თარიღი	მუხლი	შენიშვნა
01			

მუხლი 1. მიზანი და მოქმედების სფერო

- 1.1 წინამდებარე დებულება განსაზღვრავს იმ სტუდენტთა კატეგორიას, რომლებიც შპს - შავი ზღვის საერთაშორისო უნივერსიტეტში (შემდგომში „შზსუ“) სწავლის პერიოდში სარგებლობენ ფასდაკლებით, ადგენს ფასდაკლების ტიპებს, მისი გაცემის წესსა და გაუქმების პირობებს, აგრეთვე აწესრიგებს სტუდენტებისათვის სტიპენდიების გაცემის წესს და პირობებს.

მუხლი 2. ტერმინები და შემოკლებები

- 2.1 სკოლა - თბილისის დემირელის სახელობის კერძო კოლეჯი, ქუთაისის ნიკო ნიკოლაძის სახელობის სკოლა, ბათუმის რ. შავინის მეგობრობის ლიცეუმი, რუსთავის რუსთაველის სახელობის სკოლა, მარნეულის დავით ალმაშენებლის სახელობის სკოლა, ნიკოლოზ წერეთლის სახელობის საერთაშორისო სკოლა;
- 2.2 შზსუ-ს სტუდენტი - საბაკალავრო, სამაგისტრო ან სადოქტორო პროგრამის სტუდენტი;
- 2.3 სკოლის თანამშრომელი - სკოლის ადმინისტრაციული პერსონალი, პედაგოგი;
- 2.4 შზსუ-ს თანამშრომელი - აკადემიური და/ან ადმინისტრაციული პერსონალი;
- 2.5 სკოლის/ შზსუ-ს თანამშრომლის მეუღლე - რეგისტრირებულ ქორწინებაში მყოფი მეუღლე;
- 2.6 შზსუ-ს კურსდამთავრებული - შზსუ-ს საბაკალავრო/სამაგისტრო/სადოქტორო პროგრამის კურსდამთავრებული;
- 2.7 სახელმწიფო სასწავლო გრანტი - სახელმწიფოს მიერ სტუდენტისათვის გადაცემული თანხა, რომელიც ჩარიცხულია საბაკალავრო, სამაგისტრო ან სადოქტორო პროგრამაზე;
- 2.8 სწავლის საფასურისგან გათავისუფლება - უსასყიდლოდ სწავლა;
- 2.9 ფასდაკლება - 75%, 70%, 50%, 30%, 25%, 20% და 15% ფასდაკლება;
- 2.10 შზსუ-ს უფასო ინგლისური ენის კურსები - შზსუ-ს მიერ საშუალო საფეხურის სკოლის მოსწავლეებისათვის შეთავაზებული ინგლისური ენის კურსები. მოსწავლეები, რომლებმაც წარმატებით დაასრულეს ზემოაღნიშნული კურსები, მიიღებენ განსაზღვრული რაოდენობის შეღავათს, ერთიან ეროვნულ გამოცდების საფუძველზე შზსუ-ს საგანმანათლებლო პროგრამაზე ჩარიცხვის შემთხვევაში;
- 2.11 *Army Card* - სს „საქართველოს ბანკის“ მიერ საქართველოს თავდაცვის სამინისტროსთან გაფორმებული მემორანდუმის საფუძველზე გაცემული ბარათი.



IBSU

სტიპენდიებისა და ფასდაკლებების
დებულება

მუხლი 3. ფასდაკლების გავრცელების ფარგლები

- 3.1 ფასდაკლება ვრცელდება საბაკალავრო პროგრამის სტუდენტისათვის 8 აქტიური სემესტრი, სამაგისტრო პროგრამის სტუდენტისათვის 4 აქტიური სემესტრი, ხოლო სადოქტორო პროგრამის სტუდენტისათვის 6 აქტიური სემესტრი და მოიცავს სემესტრში 30 კრედიტს.
- 3.2 ფასდაკლებით მოსარგებლე სტუდენტებისათვის, რომლებიც შზსუ-ს საგანმანათლებლო პროგრამაზე გადმოვიდნენ მობილობის წესით, ფასდაკლების გავრცელების ფარგლები მოიცავს შზსუ-ში მობილობის წესით ჩარიცხვიდან აკადემიური ხარისხის მინიჭებამდე პროგრამით განსაზღვრულ დარჩენილ პერიოდს, სემესტრში 30 კრედიტის ოდენობით.

მუხლი 4. ფასდაკლებით სარგებლობის უფლების მქონე პირები

- 4.1 სკოლასთან დაკავშირებული პირები:
 - 4.1.1 შზსუ-ს საბაკალავრო პროგრამაზე ჩარიცხული საქართველოს მოქალაქე, რომელმაც დაამთავრა სკოლა (გარდა ნიკოლოზ წერეთლის სახელობის საერთაშორისო სკოლისა);
 - 4.1.2 საქართველოს მოქალაქე სკოლის კურსდამთავრებული, რომელიც მობილობის წესით ჩაირიცხა შზსუ-ს საბაკალავრო პროგრამაზე (გარდა ნიკოლოზ წერეთლის სახელობის საერთაშორისო სკოლისა);
 - 4.1.3 სკოლის თანამშრომელი, თანამშრომლის მეუღლე/შვილი, რომელიც ჩაირიცხა შზსუ-ს საგანმანათლებლო პროგრამაზე.
- 4.2 შზსუ-სთან დაკავშირებული პირები:
 - 4.2.1 შზსუ-ს კურსდამთავრებული, თანამშრომელი, თანამშრომლის მეუღლე/შვილი, რომელიც ჩაირიცხა შზსუ-ს საგანმანათლებლო პროგრამაზე;
 - 4.2.2 პირები, რომლებმაც უმაღლესი ქულები დააგროვეს შზსუ-ს მიერ ჩატარებულ სასკოლო ოლიმპიადაში.
- 4.3 შზსუ-ს საგანმანათლებლო პროგრამაზე ჩარიცხული პირებისათვის ფინანსური შეღავათის მოპოვების სხვა საფუძვლები:
 - 4.3.1 საქართველოს ეროვნულ სასწავლო ოლიმპიადაში მონაწილეობა;
 - 4.3.2 ერთიანი ეროვნული გამოცდების განაცხადში პირველ არჩევანად შზსუ-ს საგანმანათლებლო პროგრამის მონიშვნა;



IBSU

სტიპენდიებისა და ფასდაკლებების
დებულება

- 4.3.3 ერთიანი ეროვნული გამოცდების შედეგებში განსაზღვრული რეიტინგის მოპოვება R33L01-ის შესაბამისად;
- 4.3.4 პირები ერთი ოჯახიდან;
- 4.3.5 საქართველოს ეროვნულ ნაკრებში შემავალი სპორტსმენი, ეროვნულ ნაკრებში ყოფნის მანძილზე;
- 4.3.6 სამაგისტრო პროგრამის სტუდენტი, რომელმაც რეგისტრაცია გაიარა შზსუ-ს მიერ განსაზღვრულ ვადებში;
- 4.3.7 სახელმწიფო სასწავლო და/ან სახელმწიფო/ კერძო სკოლის ოქროსა და ვერცხლის მედალოსანი;
- 4.3.8 პირები, რომლებმაც შზსუ-ში გაიარეს უფასო ინგლისური ენის კურსები;
- 4.3.9 მე-12 კლასელთათვის შზსუ-ს მიერ ჩატარებული ყოველწლიურ კონკურსზე „სად? რა? როდის?“ გამარჯვებული;
- 4.3.10 Army Card-ით გადახდის შემთხვევაში ბარათის მფლობელი, მისი მეუღლე/შვილი;
- 4.3.11 TOEFL-ის, GMAT-ისა და GRE-ის გამოცდის წარმატებით ჩაბარების დამადასტურებელი დოკუმენტის მფლობელი შზსუ-ს დოქტორანტი, რომელიც ამავდროულად შზსუ-ში დასაქმებულია ადმინისტრაციულ პოზიციაზე (R33L01 – #02.03 – 02.05).

მუხლი 5. ფასდაკლებით სარგებლობის პირობები

- 5.1 სტუდენტი, რომელსაც ეკუთვნის წინამდებარე დებულებით განსაზღვრული ფასდაკლებებიდან რამდენიმე, ისარგებლებს ყველაზე მაღალი ფასდაკლებით. დაუშვებელია ერთდროულად რამდენიმე ფასდაკლებით სარგებლობა, გარდა 5.2 პუნქტით განსაზღვრული საფუძვლებისა.
- 5.2 ერთდროულად შესაძლებელია მხოლოდ ორი სახის ფასდაკლების გამოყენება. „პირველი არჩევანის ფასდაკლება“ (პუნქტი 4.3.2) და „ოჯახის წევრის ფასდაკლება“ (პუნქტი 4.3.4).

მუხლი 6. ფასდაკლების გაუქმების საფუძვლები

- 6.1 თუ ფასდაკლების მქონე სტუდენტის სწავლის პერიოდი გახანგრძლივდა და მან ვერ დაასრულა სწავლა საგანმანათლებლო პროგრამით განსაზღვრულ ვადებში, მის მიერ სწავლის საფასურის გადახდა დარჩენილ პერიოდში განხორციელდება

ფასდაკლების გარეშე, მოცემული პერიოდისათვის დადგენილი სწავლის საფასურის ოდენობისა და წესის შესაბამისად.

- 6.2 ის სტუდენტები, რომლებიც სარგებლობენ 4.2.2, 4.3.1 და 4.3.7 პუნქტებით განსაზღვრული ფასდაკლებით, აკადემიური მოსწრების დამრგვალებული საშუალო ქულის 80-ზე ქვევით დაწევის შეთხვევაში, შემდგომ აკადემიურ წელს აღნიშნული ფასდაკლებით ვერ ისარგებლებენ.

მუხლი 7. სახელმწიფო სასწავლო გრანტსა და ფასდაკლების ერთად გამოყენების წესი

- 7.1 თუ აბიტურიენტს მოპოვებული აქვს როგორც სახელმწიფო სასწავლო გრანტი, ასევე უნივერსიტეტის მიერ განსაზღვრული ფასდაკლებით სარგებლობის უფლება, უნივერსიტეტის მიერ შეთავაზებული ფასდაკლება გავრცელდება გრანტის თანხის გამოკლების შემდეგ დარჩენილ სწავლის საფასურზე.

მუხლი 8. სტიპენდიის მიღების წესი

- 8.1 შზსუ-ს სტიპენდიის მიღების უფლება აქვს სტუდენტს, რომელმაც ერთიანი ეროვნული გამოცდების შედეგებში განსაზღვრული რეიტინგი მოიპოვა. სტიპენდიის ოდენობა არის 200 და 100 ლარი. ამასთან, სტუდენტი შემდგომ აკადემიურ წელს კარგავს სტიპენდიის მიღების უფლებას, თუ მისი დამრგვალებული საშუალო აკადემიური მოსწრება 91-ზე ნაკლებია.

მუხლი 9. სადოქტორო პროგრამაზე უფასოდ სწავლის უფლების მოპოვების წესი

- 9.1 შზსუ-ს დოქტორანტი, რომელსაც შზსუ-ში უკავია ადმინისტრაციული პოზიცია, შზსუ-ს სადოქტორო პროგრამაზე ისწავლის უფასოდ, თუ წარმოადგენს ერთ-ერთ შემდეგ სერტიფიკატს:

- 9.1.1 ბიზნესის მართვის და სოციალურ მეცნიერებათა ფაკულტეტები GMAT-ს (მინიმალური ქულა 550);
- 9.1.2 განათლებისა და ჰუმანიტარულ მეცნიერებათა ფაკულტეტი - TOEFL-ს (მინიმალური ქულა 100);
- 9.1.3 კომპიუტერული ტექნოლოგიებისა და საინჟინრო საქმის ფაკულტეტი - GRE-ს (მინიმალური ქულა 700).

მუხლი 10. ფასდაკლების გამოყენების წესი

- 10.1 წინამდებარე დებულებით განსაზღვრული ნებისმიერი ფასდაკლების მოპოვების შემთხვევაში, აბიტურიენტმა/სტუდენტმა საჭირო დოკუმენტაციასთან ერთად უნდა მიმართოს სტუდენტურ საქმეთა განყოფილებას. იმ შემთხვევაში, თუ რეგისტრაციის

კვირის ბოლომდე სტუდენტი არ წარადგენს სასურველ განაცხადს, ის ავტომატურად კარგავს მიმდინარე სემესტრისათვის მის მიერ მოპოვებულ უფლებას ფასდაკლებით სარგებლობის შესახებ.

- 10.2 სტუდენტი, სტუდენტის სტატუსის მოპოვების მომენტისათვის, ვერ ხვდება წინამდებარე წესით განსაზღვრული ფასდაკლებების გამოყენების უფლებამოსილ პირთა წრეში, ასეთი უფლების წარმოშობის შემთხვევაში უფლებამოსილია ფასდაკლების გავრცელების თაობაზე განცხადებით მიმართოს შზსუ-ს კანცლერს (R03F57).

მუხლი 11. დასკვნითი დებულებები

- 11.1 წინამდებარე დებულება ეფუძნება შეღავათებისა და წახალისების შესახებ შზსუ-ს სამეთვალყურეო საბჭოს გადაწყვეტილებებს. შესაბამისად, ფასდაკლებებთან და სტიპენდიებთან დაკავშირებული დეტალური საკითხები (როგორცაა კონკრეტული ფასდაკლების ოდენობა, რეიტინგის, ტურის, კატეგორიის და ა.შ განსაზღვრა) განისაზღვრება შზსუ-ს სამეთვალყურეო საბჭოს გადაწყვეტილებებით.
- 11.2 დებულებაში შესული ნებისმიერი სახის ცვლილება უნდა შეესაბამებოდეს შეღავათებისა და წახალისების შესახებ შზსუ-ს სამეთვალყურეო საბჭოს გადაწყვეტილებებს და უნდა დამტკიცდეს უნივერსიტეტის მმართველი საბჭოს გადაწყვეტილებით.

მუხლი 12. ძალაში შესვლა

- 12.1 წინამდებარე დებულება ძალაში შედის მმართველი საბჭოს მიერ დამტკიცებისთანავე.

მუხლი 13. შესრულებაზე ხედამხედველობა

- 13.1 წინამდებარე დებულების შესრულებაზე ზედამხედველობა განხორციელდება კანცლერის მიერ.

უნივერსიტეტის წესების შეუსრულებლობა დაუშვებელია. ყველა ვალდებულია იცნობდეს
მთხუავის მიერ შემუშავებულ წესებსა და რეგულაციებს.

მთხუავის თანაბარ შესაძლებლობებს სთავაზობს, განურჩევლად სქესის, რასის, ეროვნების,
წარმომავლობის, ოწმენის, საზოგადოებრივი სტატუსის, ფიზიკური, გონიერებრივი, ემოციური
სხვაობისა და სწავლის განსხვავებული უნარისა.

გამოსცა:

შპს - შავი ზღვის საერთაშორისო უნივერსიტეტი
დავით აღმაშენებლის ხეივანი, 13 კმ., 2, 0131
თბილისი, საქართველო
www.ibsu.edu.ge
contact@ibsu.edu.ge



IBSU